

Na osnovu člana 10. stav (2) Okvirnog zakona o osnovama naučnoistraživačke djelatnosti i koordinaciji unutrašnje i međunarodne naučnoistraživačke saradnje Bosne i Hercegovine («Službeni glasnik BiH», broj 43/09) i člana 17. Zakona o Vijeću ministara Bosne i Hercegovine («Službeni glasnik BiH», br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine, na prijedlog Ministarstva civilnih poslova na 119. sjednici održanoj 22.04. 2010. godine, donijelo je

## ODLUKU

### o imenovanju Vijeća za nauku Bosne i Hercegovine

#### Član 1. (Predmet)

Ovom Odlukom imenuje se Vijeće za nauku Bosne i Hercegovine (u daljnjem tekstu Vijeće) kao savjetodavno i stručno tijelo Ministarstva civilnih poslova BiH.

#### Član 2. (Sastav Vijeća)

(1) Vijeće ima predsjednika i dvanaest članova.

(2) U sastav Vijeća imenuju se:

- a) prof. dr. Gordana Đurić, na prijedlog Ministarstva nauke i tehnologije Republike Srpske,
- b) prof. dr. Živojin Erić, na prijedlog Ministarstva nauke i tehnologije Republike Srpske,
- c) prof. dr. Drago Branković, na prijedlog Ministarstva nauke i tehnologije Republike Srpske,
- d) prof. dr. Pero Marjanović, na prijedlog Federalnog ministarstva obrazovanja i nauke,
- e) prof. dr. Dražena Tomić, na prijedlog Federalnog ministarstva obrazovanja i nauke,
- f) prof. dr. Jusuf Žiga, na prijedlog Federalnog ministarstva obrazovanja i nauke,
- g) prof. dr. Ermina Iljazović, na prijedlog Federalnog ministarstva obrazovanja i nauke,
- h) Slavko Matanović, na prijedlog Brčko Distrikta Bosne i Hercegovine,
- i) prof. dr. Nedeljko Sredić, na prijedlog Ministarstva civilnih poslova BiH,
- j) prof. dr. Nikola Mojović, na prijedlog Ministarstva civilnih poslova BiH,
- k) doc. dr. Melika Husić, na prijedlog Ministarstva civilnih poslova BiH,
- l) prof. dr. Šaćir Filandra, na prijedlog Ministarstva civilnih poslova BiH,
- m) prof. dr. Branko Markić, na prijedlog Ministarstva civilnih poslova BiH.

(3) Za predsjednika Vijeća imenuje se prof. dr. Nikola Mojović.

#### Član 3. (Mandat)

Mandat predsjednika i članova Vijeća je četiri godine, s mogućnošću ponovnog izbora.

#### Član 4. (Nadležnosti Vijeća)

(1) Vijeće je nadležno da:

- a) daje preporuke i mišljenja s ciljem razvoja nauke i tehnologije u Bosni i Hercegovini,
- b) učestvuje u izradi Strategije razvoja nauke u Bosni i Hercegovini,
- c) prati provođenje Strategije razvoja nauke u Bosni i Hercegovini i s tim u vezi daje preporuke i mišljenja Ministarstvu civilnih poslova BiH prilikom donošenja provedbenih akata (akcioni planovi, smjernice i sl.).

- d) priprema i Ministarstvu civilnih poslova BiH predlaže uputstva o metodološkim okvirima i principima za izradu: Pravilnika o klasifikaciji naučnih oblasti, disciplina i grana, Pravilnika o minimalnim uvjetima za izbor u naučna zvanja, te Pravilnika o minimalnim uvjetima za obavljanje naučnoistraživačke djelatnosti i bavljenje naučnoistraživačkim radom,
- e) priprema i Ministarstvu civilnih poslova BiH predlaže donošenje Pravilnika o nagradama u oblasti nauke u Bosni i Hercegovini za uspjehe na međunarodnom planu,
- f) priprema i nadležnim institucijama predlaže instrumente za statističko praćenje stanja u oblasti nauke i tehnologije u Bosni i Hercegovini, te međunarodno izvještavanje,
- g) daje preporuke o učešću Bosne i Hercegovine u programima Evropske unije iz oblasti nauke i tehnologije,
- h) daje mišljenja o članstvu Bosne i Hercegovine u međunarodnim tijelima i projektima u oblasti nauke i tehnologije,
- i) razmatra stanje u oblasti nauke i daje preporuke s ciljem razvoja naučnoistraživačke infrastrukture i obuke nove generacije naučnika,
- j) daje preporuke u pogledu podrške projektima u oblasti nauke i tehnologije značajnim za Bosnu i Hercegovinu,
- k) daje mišljenja o ugovorima o međunarodnoj saradnji i naučnotehnološkoj saradnji,
- l) daje preporuke u pogledu definiranja sistema naučnoistraživačkih informacija u skladu sa međunarodnim standardima,
- m) konsenzusom donosi poslovnik o svom radu,
- n) obavljanje i drugih poslova koje mu povjeri ministar civilnih poslova BiH.

(2) Članovi Vijeća saraduju sa ministarstvima nadležnim za naučnoistraživačku djelatnost i naučnoistraživačkim institucijama u Bosni i Hercegovini.

#### Član 5. (Izvještavanje)

Vijeće jednom godišnje podnosi izvještaj o svom radu i stanju u oblasti nauke Vijeću ministara Bosne i Hercegovine posredstvom Ministarstva civilnih poslova, a Ministarstvu civilnih poslova i češće, u zavisnosti od potrebe.

#### Član 6. (Poslovnik o radu)

(1) Način rukovođenja, odlučivanja i druga pitanja od značaja za rad Vijeća utvrđuju se Poslovníkom o radu na koji saglasnost daje ministar civilnih poslova BiH.

(2) Vijeće je dužno donijeti Poslovnik o radu u roku od 30 dana od dana stupanja na snagu ove Odluke.

(3) Poslovnik o radu Vijeća objavljuje se u «Službenom glasniku BiH».

#### Član 7. (Administrativni poslovi i dokumentacija)

(1) Administrativne poslove za Vijeće obavlja Sektor za nauku i kulturu Ministarstva civilnih poslova BiH.

(2) Dokumentacija koja je rezultat rada Vijeća čuva se u arhivi Ministarstva civilnih poslova BiH.

#### Član 8. (Način finansiranja)


(1) Sredstva za finansiranje rada Vijeća osiguravaju se u Budžetu institucija Bosne i Hercegovine i međunarodnih obaveza Bosne i Hercegovine.

(2) Visinu naknade utvrđuje Vijeće ministara Bosne i Hercegovine u skladu sa Odlukom o kriterijima za utvrđivanje novčane naknade za rad u upravnim odborima, nadzornim i drugim odborima i drugim radnim tijelima u nadležnosti institucija Bosne i Hercegovine («Službeni glasnik BiH», broj 19/09).

Član 9.  
(Stupanje na snagu)

Ova Odluka stupa na snagu danom donošenja, a objavljuje se u «Službenom glasniku BiH».

26  
VM broj 97/10.  
22.04.2010. godine  
Sarajevo



Predsjedavajući  
Vijeća ministara BiH

dr. Nikola Špirić